

一、生身「(應化身)之我」與「法身之我」

二、如來藏

《大般涅槃經》卷二〈壽命品 第一之二〉云：

爾時，佛告諸比丘，諦聽！諦聽！汝向所引醉人喻者，但知文字未達其義。何等爲義？如彼醉人見上日月實非迴轉、生迴轉想，眾生亦爾。爲諸煩惱無明所覆生顛倒心，我計無我、常計無常，淨計不淨、樂計爲苦。以爲煩惱所覆故，雖生此想，不達其義。如彼醉人於非轉處，而生轉想。我者，即是佛義；常者，是法身義；樂者，是涅槃義；淨者，是法義。…我亦修習無常、苦、無我等想，是三種修，無有實義。我今當說勝三修法。苦者計樂，樂者計苦，是顛倒法；無常計常，常計無常，是顛倒法；無我計我，我計無我，是顛倒法；不淨計淨，淨計不淨，是顛倒法。有如是等四顛倒法，是人不知正修諸法。汝諸比丘，於於苦法中生樂想，於無常中生常想，於無我中生我想，於不淨中生淨想。世間亦有常、樂、我、淨，出世亦有常、樂、我、淨。何以故？世間之法有四顛倒故，不知其義。…樂中見苦，常見無常，我見無我，淨見不淨；是名顛倒。以顛倒故，世間知字而不知義。何等爲義？無我者，名爲生死；我者，名爲如來；無常者，聲聞、緣覺；常者，如來法身；苦者，一切外道；樂者，即是涅槃；不淨者，即有爲法；淨者，諸佛、菩薩所有正法；是名不顛倒。以不倒故，知字知義。若欲遠離四顛倒，應知如是常、樂、我、淨。

至於「我者，名爲如來。」而如來有二身之說。

《大般涅槃經》卷三四〈迦葉菩薩品 第十二之二〉：

我於經中說：如來身凡有二種：一者，生身；二者，法身。言生身者，即是方便應化之身、如是身者，可得言是生老病死長短白黑，是此是彼、是學無學，我諸弟子聞是說已，不解我意，唱言如來，定說佛身是有爲法。法身，即是常樂我淨。永離一切生老病死，非白非黑非長非短，非此非彼、非學非無學。若佛出世及不出世，常住不動，無有變異。我諸弟子聞是說已，不解我意，唱言如來，定說佛身是無爲法。」

「涅槃四德」。

《大般涅槃經 卷三十》〈師子吼菩薩品之六〉又云：

一切眾生悉有佛性，或時說我，或時說無我；或時說常，或時說無常；或時說淨，或時說不淨；或時說樂，或時說苦；或時說空；或時說不空，或說一切有，或說一切無。」

《大般涅槃經 卷三五》〈迦葉菩薩品第十二之三〉：

是故佛性非有非無、亦有亦無。云何名有？一切悉有是諸眾生不斷不滅猶如燈焰，乃至得阿耨多羅三藐三菩提，是故名有。云何名無？一切眾生現在未有一切佛法常樂我淨，是故名無。有無合故，即是中道。」

此二段文字，有關於佛性之說：說有說無，悉屬一偏之見。故不論說是常或無常，我或無我等。有時說佛性是常，有時說無常；有時說我，有時說無我；有時說樂，有時說苦；有時說淨，有時說不淨。看似自相矛盾，顛倒錯亂，如因明所謂「自語相違」

由是可知此所說之常樂我淨，乃示別於凡人偏執之常樂我淨；更且超越出世之苦、空、無常、無我。是不落於對待之常、無常；我、無我等。亦即既破除世間「有為四顛倒」的「常、樂、我、淨」。也破除出世的「無為四顛倒」--無常、無我、苦、不淨。故「涅槃四德」--常樂我淨，本是大乘佛法之「實相」境界。實相是無相、無不相者也。今以無相之體，是不生不滅的；故曰「常」。無不相之用，即因無相之空，乃無礙於諸法之有的「無常」相也。故今或以表詮（肯定之表述），說「有」；或以遮詮（否定之表述），說「無」；或以雙亦方式，說「亦有亦無」；或以雙非的方式，說「非有非無」。亦即前文所言：「有無合故，即是中道。」以上就言詮論之，可如是理解。但就其證入之境界而言，實非言詮所及，故曰「不可說」，亦非思議所及，故曰「不可思議」。故禪門以「不立文字」、「直

又如《大般涅槃經 卷二》「凡夫愚人所計我者，…如來說我悉不如是。是故說言：諸法無我實非無我。何者是我（一曰實）？若法是實，是常、是主，是依性不變易者，是名為我。」

《勝鬘經》〈自性清淨章第十三章〉云：「生死者，依如來藏，世間言說，故有死有生。…非如來藏有生有死。如來藏者離有為相。如來藏常住不變。」

《楞嚴經》：「一切眾生，從無始來，生死相續，皆由不知常住真心，性淨明體。用諸妄想，此想不真故有輪轉。」

勝鬘經：「如來法身不離煩惱藏，名如來藏。」大方等如來藏經亦列舉蓮花內有化佛、淳蜜在巖樹中、真金墮於不淨處、弊物裹金像、賤女懷貴子等九喻，詳加解說其義。入楞伽經卷七：「如來藏識不在阿梨耶識中，是故七種識有生有滅，如來藏識不生不滅。」此時如來藏即阿摩羅識。

佛性論卷二如來藏品與勝鬘經自性清淨章謂「藏」有自性、因、至得、真實、祕密等五義，即：（一）萬有悉為如來之自性，由自性之義而言，稱為如來藏。

釋摩訶衍論卷二立十種如來藏。即：生滅真如如來藏、空如來藏、不空如來藏、能攝如來藏、所攝如來藏、隱覆如來藏…等十種。

如來藏緣起，又作真如緣起。謂眾生之生死流轉、還滅涅槃，皆依含真如之如來藏佛性。即一味平等之真如，乃為無始無終不增不減之實體，為染淨之緣所驅而生種種之法。其實體有真如門、生滅門二義。就真如門而言，如來藏乃一味平等之體；就生滅門而言，如來藏由染緣而現六道，由淨緣而出四聖。

如來藏：指於一切眾生之煩惱身中，所隱藏之本來清淨（即自性清淨）的如來法身。蓋如來藏雖覆藏於煩惱中，卻不為煩惱所污，具足本來絕對清淨而永遠不變之本性。

《究竟一乘寶性論》卷4〈6 無量煩惱所纏品〉：「應修行如來藏我。而不修行如來藏以為我。以顛倒取一切法無我。修行如來藏無我。樂無我修行。以不知不覺故。應修行如來藏淨。而不修行如來藏以為淨。以顛倒取一切法不淨。修行如來藏不淨。樂不淨修行。以不知不覺故。如是聲聞辟支佛等。一切不能如實隨順法身修行。以是義故。第一彼岸常樂我淨法。非彼聲聞辟支佛等所知境界。如是樂顛倒無常苦無我不淨相等。彼如來藏非其境界。如是之義大般涅槃修多羅中。」